

A 1877/tillväxt

Flytjandi	Flokkahópur miðjumanna
Afgreiðsla	Norræna hagvaxtar- og þróunarnefndin

Þingmannatillaga um norrænar aðgerðir gegn smygli á hundum**Tillaga**

Flokkahópur miðjumanna leggur til að

Norðurlandaráð beini tilmælum til Norrænu ráðherranefndarinnar um

að hún gangist fyrir að unnt verði að samkeyra skráningu hunda í sérhverju norrænu landi

að hún beiti sér fyrir að Rússland verði felld út af lista yfir svæði og þriðjulönd sem fjallað er um í 13. gr. rg. (ESB) nr. 576/2013

að hún stuðli að því að norrænu löndin taki sér verklag í Noregi til fyrirmyndar og afli sér heimildar til að gera mótefnamælingar vegna sjúkdóma á borð við hundaeði við innflutning á hvolpum sem eru flokkaðir sem söludýr við flutning yfir landamæri

Bakgrunnsupplýsingar

Eftirspurn eftir hundum sem gæludýrum hefur stóraukist nú á tímum kórónuveirunnar. Mörgum finnst rjúfa einmanaleika að fá sér hund og heimavinna gera það mögulegt. Hin aukna eftirspurn hefur valdið því að biðraðir hjá skráðum og viðurkenndum ræktendum hafa orðið mjög langar.

Ótíndir bófaflokkar nýta sér þetta ástand og flytja verksmiðjuræktaða hunda til Norðurlanda sem þangað komast við illan leik. Þeir eru svo seldir með miklum gróða á auglýsingasíðum á netinu. Stórir auglýsingamiðlar á borð við Facebook og Blocket standa höllum fæti andspænis óábyrgum auglýsingum. Á hinum vafasömu auglýsingasíðum má sjá fjölda svipaðra Google-þýddra auglýsinga þar sem hvolpar eru falboðnir við afar vægu verði. Þetta eru sömu undirheimagengi og fjölþjóða samstarfsnet sem ella stunda mansal og viðskipti með fíkniefni og fölsk persónuskilríki.

Hvolparnir eru aldir upp í eins konar iðnvæddri fjöldaframleiðslu við mjög slæm og óheilsusamleg skilyrði. Þótt hvolparnir búi ekki lengi við slíkar aðstæður eru þeir berskjaldaðir fyrir sjúkdómum og streitu áður en þeim er smyglað til Norðurlanda á sársaukafullan hátt. Ekki er óalgengt að sett sé límband um skoltinn og fótleggina á



Þeim meðan á flutningnum stendur svo að enginn gruni neitt þegar þeir eru fluttir yfir landamærin. Því fer fjarri að allir lifi ferðalagið af.

Smyglið er siðlaust og skammarlegt frá sjónarhóli dýraverndar. En innflutningur hunda hefur einnig í för með sér alvarlegar heilsufarsógnir fyrir fólk. Hundaæði, sýklar og fjölonæmar bakteríur eru súnur sem hættu er á að festi rætur í löndunum okkar í kjölfarið á smyglinu.

Meirihluta hvolpa er þar fyrir utan fluttur inn eftir löglegum leiðum en á fölskum skilríkjum. Samkvæmt tollayfirvöldum í Svíþjóð koma 30 til 50 hvolpar til landsins á hverjum degi að því er virðist löglega.

Unnt er að koma í veg fyrir þessi hörmulegu viðskipti með hvolpa á þessum forsendum með hertri löggjöf í löndunum og frekari og öflugri upplýsingagjöf til kaupenda. Svo geta Norðurlönd lagst saman á áramnar og hert róðurinn gegn smyglurunum.

Samkeyra mætti skrár um hunda sem haldnar eru í sérhverju norrænu landi. Löndin ættu að leyfa slíka aðgerð og stuðla að því að önnur Evrópulönd gerðu það líka.

Dýr sem eru flutt inn í fimm einstaklinga hópum eru álitin söludýr. Þá er ekki um að ræða eiganda sem flytur með sér dýr heldur dýr sem flutt eru inn með það fyrir augum að þau lendi einhvers staðar annars staðar. ESB setur reglur um skilyrði fyrir innflutningi á slíkum dýrum. Samkvæmt framkvæmdareglugerð framkvæmdastjórnarinnar nr. [577/2013](#) er gerður listi yfir lönd utan ESB sem leyfilegt er að flytja inn dýr frá til norrænu landanna fylgi þeim rétt vottorð. Rússland er meðal landa á þeim lista sem til dæmis dýralæknastofnun Svíþjóðar, Statens veterinärmedicinska anstalt, telur vera hááhættuland. Ástæða er til að taka Rússland af listanum.

Auk þess er aðkallandi að norrænu löndin, öll sem eitt, afli sér heimildar til að gera mótefnamælingar vegna sjúkdóma á borð við hundaæði. Þrátt fyrir að Noregur sé EES-ríki er ekkert annað land komið eins langt í að geta gert þess háttar mælingar, einnig á innflutningi frá löndum Evrópusambandsins. Er brýnt að aðrar norrænar þjóðir afli sér slíkra heimilda sömuleiðis en geri ekki aðeins handahófskenndar stikkprufur. Komi ekki fram mótefni við mælingu en skjöl sýni annað verður hægt að afhjúpa spillta dýralækna og kæra þá til viðkomandi lands dýralæknasambands.



Fjarfundir, 12. apríl 2021

Anders Eriksson (ÅF)

Anna Kolbrún Árnadóttir (Mifl)

Arman Teimouri (L)

Bertel Haarder (V)

Edmund Joensen (sb)

Erling Bonnesen (V)

Heli Järvinen (grænum)

Inga Sæland (Flf)

Jaspur Langgaard (sb)

Joakim Strand (sv)

Jouni Ovaska (cent)

Ketil Kjenseth (V)

Kjell-Arne Ottosson (KD)

Linda Modig (C)

Magnus Ek (C)

Mikko Kinnunen (cent)

Mikko Kärnä (cent)

Ole André Myhrvold (Sp)

Rebecka Le Moine (grænum)

Silja Dögg Gunnarsdóttir (Frfl)